

84
Л45

**Ленин йылісь
рассказзэз**

**КОМИПЕРМГИЗ
Кудымкар 1939**

ЛЕНИН ЙЫЛІСЬ
РАССКАЗЭЗ

КОМИПЕРМГИЗ
Кудымкар 1939

Перевод *М. Пономарева*
Редактор *Н. Спорова*

Техред. *С. Грибанов*
Корректор *Ф. Яркова*

Упол. Пермобллита № 743. Заказ № 167 Тираж 2000.
Сдано в набор 16-VI-39 г. Подписано к печати 10-VII-39 г.
Формат бумаги 62 x 94¹/₃₂. Печатных листов 1.
Авторских листов 0,5.

г. Кудымкар. Тип. Коми-перм. Окргосиздата

Кыз Федосья Никитишна Ленин дынын вөлөма

Миян айным вөлі крыша вевттись, уджаліс Смольнөйын, да самөй революция одзас куліс. Сідзкө и жалованнөыс сылөн кольччис получиттөм. Лоис временнөй правительство, мамө муніс корны деньгасө, бертіс стыдөн. Сылісь өтікө только и юалөмась:

— А тэ, бабка, адззывлін, кыз лягушкаэз чеччалөны?

Төлыс миянөс ыжмитіс, мамө и шуө:

— Быдөнныс Ленинөс өні ошкөны, не ветлыны я меным Смольнөяс?

Кытшөмкө асылө чеччам—старуханым абу. Думайтaм—вичкуын ~~обедня~~ дорын, а сія Смольнөйө мунөма... Вот и думай-

тө! Ветлөтис, ветлөтис сэгчин кабинеттэс кузя, да Владимир Ильичыс дынө и сюрис... Гижө сия, да конфетөн көдзыт чай юө...

Сия эз и думайт, что эта ачыс Лениныс,—сэк портреттэс сылөн етша вөлисө,—и юалө:

— Тэ, сударь, гижшан али делозз видзөтлан?

Ленин шынныштис:

— Кыдз ковяс, сударыня. А тэныт мыйлө?

— Менө отирыс Ленин дынө ыстөны, Владимир Ильич дынө. Шуөны, тэнчит делотө, Федосья Никитишна, быдөс начальниккесис өтік Ленин только вермас путшөтны... А ме видзөта тэ вылө, кытшөм перыта тэ гижшан, и думайта:

„Кытшөм бура грамотнөй господин! Натьтө, не умөль начальниккес коласись“... Кысь меным Ленинсө кошшыны, тэ меным поди отсалан?

Спокойнӧя пуксис да дженытика бы-
дӧс и висьтасис.

А Ленинлӧн синнэс сэтшӧм гажаӧсь
лоисӧ, сералӧ:

— Былись, Федосья Никитишна... Ле-
нинтӧг керсям.

Корис сотрудникӧс, запискаок сетис:

— Ёрт, чожажык лӧсьӧтӧ Федосья
Никитишнались делосӧ.

Мамӧ локтис гортӧ и денъга вайис:

— Смольнӧяс быдӧс начальниккес бу-
рӧсь! И Ленинтӧг делосӧ керисӧ.

А месяц бӧрті вайис рынокись фото-
графическӧй карточка:

— Вот, неби сійӧ начальниксӧ, кӧда-
кӧт кабинетас пукалі...

Мийӧ видзӧтім, да сідз и горӧтім:

— Мам, да эд эта Лениныс и вӧлӧ-
ма!

*Гижӧма 1928 годӧ Севернӧй
кӧрттуй вагонны.*

Пугвича

Миян дынӧ заводӧ локтӧ Ленин. Меным горӧтлӧны:

— Наторова, тэ примитан сылісь пальтосӧ!

Клубын жар. Ленин пондіс баитны. Чапкис пальтосӧ стул вылӧ. Ме квати-ті—да гардеробнӧйӧ. Адзза, шульга полаас шӧрись пугвичачыс абу. Ме аслам гунькаись орӧті пугвича да Лениныс пальтоӧ и вури кыз сунисӧн, медбы дыр кежӧ. Сія муніс, эз и казав. А пугвичачыс невна не сэтшӧм. И сэтшӧм меным бытшӧм, а некинлӧ ассим секретӧс ог висьтав.

Эта бӧрын кадыс чулаліс унакодъ. Муна Литейнӧй кузя, а „Феникс“ ф-

тографияын ӧшынас, Ленинлӧн ыждӧ-
тӧм портрет. Пальтоыс сы вылын самӧй
сiя и эм. Ме ӧддӧнжыка видзӧтi, а пуг-
вичачыс самӧй сiя—менам пугвичачыс!

Эта жӧ тӧлӧ Лениныс кулис. Ме судзӧ-
тi фототграфияись Литейнӧйын заветнӧй
портретсӧ.

Сiя менам ӧнi рамкаын, зеркалӧ ды-
нын ӧшалӧ.

Быд луӧ сибӧтча, видзӧта да горза.
А пугвичачыс менам вурӧма...

*Гижӧма 1927 годӧ город Ар-
хангельскын гортся хозяйка—
Наторова висьтасьӧм сӧртi.*

Гортэчись

Вөлі мян өтік морт, Бендерин фамиля. Сельской хозяйство уджын сия кужис керны быдос: горрез тэчис, джаджез, доддез керис.

Отпыр сия мунис вөрөкө и вот пилитө сэтчин клён. Пилитө сия клёнсө, и друг кылө:

— Бур лун!

Бендерин, конечно, дзарнитис. Видзөтө—сулалө кытшөмкө мужик.

Бендерин сылө шуө:

— Виноват,—шуө,—ваше высокоблагородие.

А мужикыс эта паныт сылө горөтчис:

— Ме,—шуө,—не ваше высокоблагородие. Ме,—шуө,—ёрт Ленин.

Бендерин бөра сылө шуө:

— Извенит,—шуө,—ёрт Ленин.

— Но, пилит, пилит!

Ачыс муніс, сувтіс бокө. Видзөтө, мый сія одзлань пондас керны. Керыс сәтшөм сьөкыт, кыз сія сійө вөвтөг деревняас кыскас?

Бендерин меряйтис пилаөн, мый кузяө сылө коліс, пилитис да тарөвтөмөн ләдзис керөс вылісянь. Сыбөрын бөра бертіс, бөра пилитис.

Ленин сылө шуө:

— Тэныт, можот, отсавны?

— Оз ков, мый тэ! Ме и ачым ештөтча.

Өні мөдік кад. Самөй ытшкисян кад. Сія жө самөй Бендерин мунө вөрокө, бөра материал вайны.

Пилитис сія клён нето кыз, вуджис ю и пуксис шоччисьны. А дело вөлі рьтъяв кад ни.

Вот пукалө сія, видзөтө—видз вылөттяс мунөны куимөн.

А сія, эта Бендериные, лөг вöлі мужикыс. Горöтлö нылö:

— Мый тійö сэт шатласят? Тöдатö, мый дона öні туруныс?

И видіс нійö... Сибöтчöны матöжык, öтыс ны коласісь и шуö:

— Ок, старичок, кыз тэ видчан!

Сэтөн Бендерин сійö тöдіс:

— Виноват,— шуö,— ёрт Ленин!

Локтіс тöv. Гортэчиссез вöлісö етша.

Пукалö Ильич аслас керкуын и юалö:

— Абу я сэтөн деревняс гортэчись, öддён ни мян горыс тшынötö?

А сэтчин Бендеринöс тöдісö, что сія гортэчись.

— Татөн,— шуöны,— эм öтік гортэчись.

И мунісö вайöтны сійö.

Интересно...

Локтöны сы ордö рысаккезөн кык военнöй морт, пырöны керкуас и юалöны:

— Тэ гортэчись?

А сїя гор вылын куйліс. Өшөтис сэт-
чинсянь юрсө да шуис:

— Ме.

— Лөсьөтчы, мунам совхозö!

Да...

Сідзкө, эта Бендерин лихорадочной
состояннён. И шуö аслас инькалö:

— Но, Катюха, прощай. Сэсса мийö
тэкöt огö адззисылö. Натътö, менам важ
видчöммезö Лениныслö тöдвылас усисö.

Пуксис эна военнойезкöt, мунис сов-
хозö.

Локтис. Петис сы дынö Ильич и шуö
сылö:

— А ме тэнö, старичок, тöдi! Этö тэ,
— шуö, — вöрокас клёнсö пилитiн, а сы-
бöрын мөдпырсяс видз вылас менö пов-
збöтыштiн?

Бендериныс повзбöмсяняс нельки шо-
гавны пондiс.

— Виноват!— шуö.

А Ленин сылö паныт:

— Но, этайсь нем абу. Видз вылас тэ правильно менё видыштін, а ме неправильно кери, что видз вылёттяс муни. А öні мийö тэкöt баитыштам, мыйлö ме тэнö кори. Менам тэ дынöдз ыджыт просьба. Адззан, кыз ме ола? Тшынсяняс быдöс стенаэс сьöдötисö. Тэ верман трубкасö лöсьötны?

— Верма,— шуö.

Сэтөн Бендерин корис глина, кирпич и кутчис удж бердö.

Кончитис сия уджсö, Ильич висьталис сылö спасибо, вештис мымда колис да пуксьötис öтлаын чай юны.

Вот сыбöрын Бендерин рысаккезөн локтис гортас и важнöя шуис иньыслö

— Катюха, а ме ёрт Ильичлö гор лöсьötи и чай сыкöt юи!

Гижöма февраль месяцö 1937 годö Подольскöй районись Московскöй областись Горки деревняын Алексей Михайлович Шурьгин висьтасьöм сьöрти.

Пантасьом

Меным сэк вöлі дасötік нето даскык год гөгөр. Мамö менö ыстіс Ямö¹—Горбач лавкаö. Миян дынсянь—верста нель. Муна ме. Менö вötö морт. Вывтас кожанöй тужурка, юр вылас кепка.

Юалö:

— Тэ, нылочка, кытчö мунан?

— Ямö, Горбач ордö пизьла.

— Мыля тэ Горбач ордö мунан? Мун кооперативö, сэтчин донтöмжык.

— А кытөн кооперативыс? Ме ог тöд. Сія висьталіс меным, кытөн кооперативыс, а ачыс муніс Горкиö.

Неделя бöрті велötісь Клавдия Николаевна шуö меным:

¹ Ям—Горки дынын деревня, кытөн оліс Ильич.

— Мунам, Наташа, Горкио.

— Мыйлө?

— Менам сэтчин тődса эм. Сія больницаын уджалө.

Но, ме ськөт муні.

Видзөта — локтө сія жө мортыс.

Сія менө сразу төдіс, сибөтчис да юалө:

— Но, приятельница, кьтись тэ пизьсө босьтін?

Ме шуи:

— Кооперативись.

Сія серөмтчис да муніс.

Көр сія муніс, Клавдия Николаевна висьталіс меным:

— Наташа, эта Ленин!

Гижөма февраль месяцө 19.7 годө Подольскөй районись Московскөй областись М. Брянцын деревняын, сельсоветись секретарь 25 годся Н. Сулова висьтасьөм сьөрти.

Мошшез

Уджалі ме пасекаын и друг адзза:
киэзнас акация вожжез паськөтышлө-
мөн локтө Ильич.

Ме уськөтчи сы дынө:

— Владимир Ильич, сулав! Ме сета
тэныт сетка, мед мошшес тэнө эзө чуш-
калө.

А сія меным шуис:

— Менө өтік мош оз вөрзьöt.

И былись: Владимир Ильич сідз ку-
жөмөн муніс,— өтік мош сійө эз чушкы.

Сэж ме сылісь юалі:

— Владимир Ильич, висьтав меным:
кызд тэ адззин менчим хозяйствоос?
Тэ эд мунін не шоссе кузя, а кежин
видз вылө да сайись туй вылөттяс лок-

тін ме дынө пасекаас. Кин тэныт мыч-
чаліс этө туйсө?

Владимир Ильич серөмтчи:

— Ёрт Скоромыслов, менө вайөтісө
тэ дынө эта туй вылөт тэнат уджаліс-
сет—мошшез. Көр ме муні видз дынся-
няс, ме адззылі лэбалісь мошшезөс—лэ-
балісө өтмөдөрө. Этө ния и вайөтісө
менө пасекаыс дынөдз.

Ме, көр кылі этө, өддьөн дивуйтчи.

— Владимир Ильич, тэ великөй ге-
ний! Нельки ме, мошвөдитөм сьөрти ин-
структор, пасека вылө мунтөн эг бы
догадайтчы мошшезлісь юавны туйсө!

*Гижөма 1937 годө Подоль-
скөй районісь Московскөй обла-
стись Ям посадын 63 годся Ге-
оргий Васильевич Скоромыслов
висьтасьөм сьөрти.*

Гөсь¹

В. П. Малафьева. Кадыс вöлі сьöкыт — война, неурожай, товаррез эзö вöлö, йөрнөс вылö—и то некытись босьтны. Керосин ваявны эзö пондö,—кöть сартаc öзты. Кулаккез, конечно, каттисö асеиныс: антихристовöй кад пö локтис.

Но народлөн вöлі сэтшöм чувство: кöть миянлö öнi кöдзыт, тшыгыялöм да пемыт, а советскöй власть ассис дока-

¹ Ноябрь 14 лунö 1920 годö Владимир Ильич Ленин öтлаын Н. К. Крупскаякöt вовлис Кашино деревняö осьны электрической станция. Эстөн Ильич сёрнитис крестьянакöt, а сьбöрын выступитис митинг вылын, висьталис речь, кöдаын юörtис Врангель* вылын Красной армиялись победааз. Ильич вовлöм йылись этö рассказö гижисö Волоколамскöй районись Московскöй областись Кашино деревняись колхозниккез: 60 годся Алексей Андреевич Аншмарин да 72/годося Василиса Павловна Малафьева висьтасьöм сьöртi.

житас. Кончитчас война—бура пондам овны.

Ог тѳд ни ме, мыйсянь пондѳтчис, только быдѳс лѳбтисисѳ: давайте аслыным свет керам. Сергей Курков пондѳс деньга ѳктыны. Мукѳдыс веритисѳ, что асланым свет лоас, а кин и эз верит. Кулаккес—нѳя сералисѳ.

Но мийѳ керим, мый думайтѳм.

Сарайѳ машина сувтѳтѳм, керкуэзѳ проволока нюжѳтѳм: ѳнѳ ѳзъяс кызз городын.

Ог тѳд ни ме, мыйсянь эта пондѳтчис, только пондѳсѳ баитны: „Миян дынѳ Ленин локтѳ!“ Ох батюшкоэз, неужли Ленин! Эд ѳнѳ понятиеыс лоис мѳдѳк, а сѳкся кадѳ кызз сы йылісь инькаэс думайтисѳ, бытьтѳ сѳя царь туйѳ. Мукѳдыс . веритисѳ, что сѳя миян дынѳ локтас, а кин и сералисѳ: натътѳ пѳ сѳйѳ только Лениныс и видзчисис, мед Кашиноѳ мунны!

Но сё жö видзчисям. Босьтiмö Марья Никитишна Кашкиналiсь керку, обиходитiм сiйö, и кöть кадыс сьöкыт, но отирыс вайöны—кин курöжок, кин яб-локкез, кин виок... Ме студень лöсьöти. Мöдиккез брага керисö.

А. А. Ашмарин. Тöда эшö: ыбöс ды-нас вешалка лöсьöтимö, а сэтчö сувтö-тимö здоровöй мужикöс—швейцарын одз-жык служитiс,—закажитiм, мед босьтiс Ленинлiсь гуня, шапка, кыз эта горо-дын керсьö.

В. П. Малафьева. Быдöс лöсьöтим, быдöс сувтöтим, а сiя сё абу да абу. Друг кылам—машина локтö.

А. А. Ашмарин. Не друг. Мийö öтö-рын сулалiм. Кылам—деревня концецын челядь пондiсö шумитны,—этö Ленин осьтiс машина ыбöсоксö, корö ас дынас челядьсö:

— Кытөн сэтөн тiян электрической станция?

А челядыс шуоны:

— А пуксьот—мийö тэныт мыччалам.

Пуксьотіс сія машинаас челядысö, лок-
тісö...

В. П. Малафьева. Пырис ськöt На-
дежда Константиновна Крупская, а ми-
ян швейцарным сибötчис да и шуö:

— Пожалуйте, ёрт Ленин.

А Лениныс сылö паныт:

— Нет, разрешитö меным аслым чöвт-
чыны.

Эз лэдз вывтсис гунясö чöвтны, ачыс
чöвтис.

Вот, быдöнныс полöмөн моз да вол-
нуйтчöмөн сибötчисö сы дынö. А Ле-
ниныс сэтшöм приветливöя чукуртышлö
синнэсö, быдöнныс вылö видзötö, бы-
дöнныслö ки сетö. Пуксим. И мужиккес
быдöнныс пуксисö. Медодз вайöны сы-
лö кружкаөн брага, кызз дона гöсь-
лö, желаннöйлö. Босьтіс сія кружкасö,
шуö:

— Не тагья?

— Не, Владимир Ильич, тагсö эгö пуктö.

Юис, уссэсö чышкис:

— Бур!

Студенёкöс менчим сылö вайисö:

— Ыджыт,—шүө,—кусöккыс!

Но, быдöнныс видзöтöны сы вылö, и быдыс дивуйтчö: „Батюшкоэз, да кытшöм сiя бур мортыс! Простöй да обходительнöй, и басни вылас кытшöм охотнöй!“

А. А. Ашмарин. Басниэс йылись ме висьтала. Вöлисö сэтөн басниэз нянь развертка йылись. Мужиккез норасисö: огö пö тöдö мымда пондасö босьтны хозяйствосьянь. Этасьянь мукöдыс етшажыкөн пондöны кöдзны. Кöбы тöдисö, буржык бы вöли. Товаррез абу. Спекулянттэз явитчисö, сiйö только и видзöтöны, кыз бы мортыс вылись кучиксö кулышны,—эта вылö норасисö жö.

Вөлісө и сэтшөмөсь, көдна сё воль-
көтісө: быдос пө муно бура, ёрт Ленин.
А эта сылө эз гленитчы: миянлө пө
правда колө төдны, а бөбөтчөмыс оз
ков. Көдна баитисө веськыта и бур йы-
лісь и умөль йылісь, нійө Лениныс кыв-
зіс ыджыт вниманнён.

И пондісө сэтөн сьөлөмсянь баитны.
Гөрөм йылісь юасис, вартөм йылісь,
мирскөй делөз йылісь. Тракторрез да
машинаэз йылісь юөртис: чожа пө ма-
шинаэзөн пондам уджавны. Көсйис ы-
тыны трактор да вартан машина.

Вот пондіс пемдыны, уездісь локтіс
фотограф. Шуө:

— Ёрт Ленин, чожа пемдас, а меным
заданнё сетисө: обязательно снимайтны
отирсө отлаын тэкөт.

Быдөнныс өтөрө петисө. Челяддыс өк-
сис—кымөр! И быдөнныс—и старухаэз,
и зонкаэз, и челядөккөз—норовитчөны
пуксыны матөжык Лениныс дынө.

Снимайтчим, мунім митинг вылө. Челядэкыс гөгөртисө Ленинсө, шумитоны, а сiя сералө:

— Но, кыздз? Закон божжейсө öнi велөтат?

Челядыс горөтлөны:

— Öнi закон божжейыс абу! И еныс, дядя, абу! Этö кузь юрсиа попpez енсö думайтöмась!

Лениныс эшö öддöнжык сералө.

Митинг вылын сiя баитис дженытика: война кончитчас, ранаэсö веськөтам и пондам мунны одзлань. Вильмоз пондам мусö уджавны, вильмоз строитны олансö. Самöй главнöйыс,—медбы крестьянаыс мунисö öтлаын рабочöйезкөт, видзисö дружба, а рабочöйезлөн да крестьяналөн союзыс сэтшөм вын, кöда быдöс победитас и быдöс мый колö строитас!

В. П. Малафьева. Быдöс одзлань тöдис. „Уджыс,—шуö,—кокнямас“. А разь

не сідз лоис? Көть лён босьтны! Эд
нярьяннэзён нярьявлім, а öні—вон кы-
тшөм машинаэз вайисö колхоззэзас!

А. А. Ашмарин. Недыр мыйись сія
иньдіс миянлö трактор и вартан маши-
на. Но не Эстезэ¹, конечно, и не челя-
баёс, а фтордзон. Мөдіккез сія кадö эзö
вöлö. Гөрны тө мийö сійөн тракторнас
гөрим, но думайтім: „Миян ыббез пон-
да машинаыс оз лöсаяв. Дзескыт сылö
миян дынын: межаэс мешайтöны“.

Владимир Ильичыс, конечно, төдіс,
что межаэзнас миян задача петас! Трак-
торыс пö мужиклісь умсö лэбтас, и бы-
дöс важся оланые берездасяс. Көр сія
миянлö көсйис трактор иньдыны, то
висьталіс:

— Иньда и ачым эшö öтпыр вовла.
Видзчисимö мийö сійö.

А сыбöрын мый лоис—рытьявлас по-
лучитім извессё: „Владимир Ильич ку-

¹ Эстезэ—Сталинградскöй тракторнöй заводісь трактор.

ліс“. Пемыт ни вөлі, Пондісө отирыс сьөрсьөн бөрсьөн өксыны отласа керкуө. Пырас, босьтас шалкасө, здоровайтчас:

— Неужто, мужиккез, былъ?

В. П. Малафьева. Женскөйес чукөртчисө отлаө. Мукөдыс озө веритө: „Можот, не правда,—сiя эд крепыт эшө вөлі“.

А мый не правда, көр Курков газеткаөн локтис:

— Кулис. Кора сувтны!

Мөдө сьывны, а горшас мыйкө сибдис, и сэтөн женскөйес быдөнныс пондисө горзыны...

А. А. Ашмарин. Пондiм мийө сэтөн советуйтчыны: „Колө морттэзөс Москваө иньдыны“. Постановитiм ыстыны Курков Сергейөс да Радионов Дмитрийөс.

Мунисө нiя. А кулацкөй подсумоккес и сэтөн пырөны асланыс провокацияөн: „Ой да ой, қызз бы өнi советскөй

властьыс эз пör“. Но, сэтөн народыс ны вылö öддён лөгасис: „Бöбötчат, паразитнöй гаддэз! Оз ло эта, мед советскöй власть пörис! Ленин кулис—вернöй морт сийö вежас“. Сэк мийö эшö эгö бытшöмика тöдö ёрт Сталинсö. Но чорыта тöдiм, что сэтшöм мортыс обязательно эм.

В. П. Малафьева. Но, и быдöс вежсьытöг чулалис, кöть и уна беддесö колесоэзас суйлисö. Сёжö вежсьытöг чулалис, и пондiс и пондiс мунны! Колхознöй туй вылö петiм.

Öнi мян сто тракторся унажык, да вартан машинаэз, да пыркötчан машинаэз, да нярьясян машинаэз...

Породистöй мөссэзöс заводитiм... Сэк öтик электрическöй свется нем вöли мычавны Лениныслö. А öнi—кытчö тэ! Отирсис и лётчиккезö петiсö, и инженеррезö, и докторрезö. Менам вит нучок—и быдөнныс велötчöны.

А. А. Ашмарин. Ме ас йывсим вись-тала, кӧть мышкам менам и кватьдас год. Сеті ме обязательство быдтыны дас ӧтік центнер лён-кудель да тонна кӧдзыс. Важся кадӧ сералисӧ бы ме вы-лын: бӧбсяліс мортыс! А ме почвасӧ иньді анализ вылӧ и получитьі рецепт: ковсьӧ пыртны суперфосфат, фосфори-стӧй пизь, калийнӧй сов, пӧим да се-литра.

Судзӧті ме быдӧс этӧ. Кӧдзи не ӧтік рядӧн, а поперегалӧмӧн. Организуйті весӧтӧм. И сеті унажык, нежели кӧсйи. Важся кадӧ колдунӧн бы шуисӧ, а ӧні некин оз и дивуйтчы.

Ленин да Сталин миянлісь олансӧ сідз лёсьӧтісӧ, что колхознӧй мортыс быдӧдз локтӧ.

Ильич куліс

Ме эта кадö юи чай. Менам пöрись-жык зон Василий Георгиевич котöрөн пырис ме дынö:

—Ая, Ильич куліс!

Эта вöлі январь 21 лунö кватъ час витдас минутаö: Владимир Ильич эз ло.

Менам блюдцеыс усис кисим, жугалис. Кыдз кöдзыт ваөн кисьтіс вывтырöс, сыбöрын жарö чапкис...

Кватиті гуня, шапка. Эта ойö самöй ме ордын узисö Кузьминск посадись Старшинин воннэз. Нія волнуйтчыны жö пондісö.

Ме шуа нылö:

—Мунамö Горкиö.

Меным Старшинин воннэз шуöны:

—Сэтчин озö лэдзö.

Ме шуа:

—Мунам, котöртам чоужык!

Кöр лöктим, öтöрас охрана сулалö. Пырим. Некин нем эз висьтав. Комнатаын куйлö Владимир Ильич, пасьтöтöм коричневöй рöма паськöмö, юр дынас почётнöй караулын старичок сулалö. И эшö коккес дынын сулалис пася пöриськодъ женскöй.

Ме ог тöд, мый мекöt вöли, ме горзи:

—Владимир Ильич, тэ кулин одзöv!

Гижöма февраль месяцö 1937 годö Подолькöй районись Московскöй областись Ям посадын, 63 годся Г. В. Скоромыслов висьтасьöм сьöрти.

Кык сокол

Кытөн дуб зелёной
И паськыт просторыс,
Вынаось кык сокол
Баитисö горөн.

Соколлэсö энö
Отырыс казяліс:
Первöй сокол—Ленин
Мöд соколыс—Сталин.

Первöй сокол—Ленин
Мöдыс вöлі Сталин,
Ны гөгөр лэбаліс
Соколёнок стая.

Ой кыздз первöй сокол
Мöдыскöt прощайтчис:

Медбөрьяись кылөн
Сы дын обрацайтчис:
„Час локтіс янсавны,
Сизöй сокол менам,
Öнi удж—забота
Дöс эд усьö тэныт“.
„Тэ вунöt тревога—
Мöдыс сэк висьталіс—
Тэныт сетам клятва:
Бокö ог ылалö!“
И оланö пыртіс
Клятва боевöйö:
Счастьеаөн керис
Дöс страна роднöйö.

*Гижöма г. Киевын. „Ленин-
скöй кузница“ заводісь корпус-
нöй отделісь рабочöйез висьта-
сьöм сьöрті, Вуджötöма ук-
раинскöй кыв вылісь.*

Пытшкӧс.

Кыз Федосья Никитишна Лениа ды- нын вӧлӧма	3
Пугвича	6
Гортӧчись	8
Пантасьӧм	13
Мошшез	15
Гӧсь	17
Ильич куліс	23
Кык сокол	30



Цена 20 коп.

27051

Рассказы
о Ленине

*На коми-пермяцком
языке*